



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<31>> հուլիսի 2018թ.

Ո Ր Ո Շ ՈՒ Մ No. 2059/05-Վ

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով անհատ ձեռնարկատեր Գուրգեն Խաչատրյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Գուրգեն Խաչատրյանի (ՀՎՀՀ 25269764, հասցե՝ ՀՀ ք. Երևան, Նոր Նորք Գյուրջյան փ. 3-25, պետ. գրանցման համարը՝ 282.08391) <03> հուլիսի 2018 թվականի դրությամբ չկատարված հարկային պարտավորությունը կազմել է 217.108 դրամ, որից ապառք՝ 180.215 դրամ, տույժ՝ 36.893 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <11> հուլիսի 2018 թվականին ԱԶ Գ.Խաչատրյանը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացրել և նշվածի վերաբերյալ որևէ բացատրություն չի տվել:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **217.108 դրամ, որից՝**

եկամտային հարկի գծով պարտավորությունը կազմում է **150.134 դրամ**, որից ապառք՝ 130.308 դրամ, տույժ՝ 19.826 դրամ, որն առաջացել է 2017 թվականի օգոստոսից-դեկտեմբեր, 2018 թվականի հունվարից-ապրիլ ամիսների եկամտային հարկի և սոցիալական վճարի ամսական ամփոփ հաշվարկներից, իրավահարաբերության ծագման պահին գործող <<Եկամտային հարկի մասին>> ՀՀ օրենքի 10-րդ հոդվածի 1-ին մասի 8-րդ կետով նախատեսված՝ 2017թ. թվականի

օգոստոս-դեկտեմբեր ամիսների եկամտային հարկից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից:

շրջանառության հարկի գծով պարտավորությունը կազմում է **66.974 դրամ**, որից ապառք՝ 49.907 դրամ, տույժ՝ 17.067 դրամ, որն առաջացել է 2017 թվականի 2-րդ, 3-րդ, 4-րդ և 2018 թվականի 1-ին եռամսյակների շրջանառության հարկի հաշվարկներից, <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ մասով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Գուրգեն Խաչատրյանից գանձել **217.108** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Handwritten signature



Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

Խարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ Մ.Մաթևոսյան
հեռ.0285-4-19-84